

中國方志叢書·華中地方·第三〇三號

據

清·孫炳煜等修，張釗纂
清光緒八年修，民國十九年鉛字重印本

影印

湖北省

華容縣志

(全)

成文出版社有限公司印行

543/104



10097194

中華民國六十四年 月臺一版

華容縣志

全冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

光緒壬午年

華容縣志

序

舊序

凡例

目錄

星圖

輿圖

修志姓氏

重印華容縣志序

華容舊志編纂於遜清光緒壬午歲計距今將達五十稔時移事變烽火頻仍舊存之書等於孤本求不易得而國府省樞各藏書館徵求日至窮於搜集乃屬教育當局檢舊藏翻印百部以餉閱者竊德龍奉調承乏是邦瀏覽舊籍周詢父老昆季有明一代如劉忠宣東山黎文僖大樸程侍郎素軒王侍郎民望周八厓孫漁人輩科名仕宦文章著作彪炳寰宇後先輝映何其盛也今雖封建勢力稍稍替移然士材於校農力於田商賈億中於市廛工藝競業於改善得失互見未可厚非抑又聞之縣志爲國史之縮影匪紀鄰家生貊侈爲載筆必求文化之遞禪種族之疏頤社會經濟之推遷工商事業之隆替與乎農田水利政治風俗之興革損益著之於編以衡進化華容文化既不後於鄰封人口增率視昔殆三分之一而益寧長岳等縣占籍者日衆農工商業亦潛轉暗移致揮斤運斧未荷鋤抱布之微多屬之地濱洞庭與水爭利新淤之土率築長堤環繞經歲不滂穀物

山積金融活躍而風俗亦駸駸入侈泰矣自九都割爲南縣藕池決而倒貫疆域起一大變化昔日行政區劃爲區者十今併爲五昔日婚喪祭祀全爲舊式今亦參用新法此可以覘華容進化有一日千里之勢匪四十餘年以前之舊志所能削足遷就也因徇印者之請而發其大意著之於編以告來者

中華民國十九年五月華容縣縣長朱德龍撰

余主華邑教育局務之三年湖南省府以中央命令徵集各屬縣志備稽攷資改進意至盛也華邑縣志成書於清光緒壬午歲今閱五十年公私藏書處徧索之不得最後由友人胡君佐漢借出一編爲書共六冊首尾完好乃謀之縣長朱公集貲以活字版縮印百冊其圖表則以石印摹出之議既定將付諸手民爰志其緣起弁諸簡端中華民國十九年四月華容教育局長平江毛倜羣識

重印華容縣志序

華容舊志編纂於遜清光緒壬午歲計距今將達五十稔時移事變烽火頻仍舊存之書等於孤本求不易得而國府省樞各藏書館徵求日至窮於搜集乃屬教育當局檢舊藏翻印百部以餉閱者竊德龍奉調承乏是邦瀏覽舊籍周詢父老昆季有明一代如劉忠宣東山黎文僖大樸程侍郎素軒王侍郎民望周八厓孫漁人輩科名仕宦文章著作彪炳寰宇後先輝映何其盛也今雖封建勢力稍稍替移然士材於校農力於田商賈億中於市屢工藝競業於改善得失互見未可厚非抑又聞之縣志爲國史之縮影匪紀鄰家生猶侈爲載筆必求文化之遞禪種族之疏頤社會經濟之推遷工商事業之隆替與乎農田水利政治風俗之興革損益著之於編以衡進化華容文化既不後於鄰封人口增率視昔殆三分之一而益寧長岳等縣占籍者日衆農工商業亦潛轉暗移致揮斤運斧未荷鋤抱布之微多屬之地濱洞庭與水爭利新淤之土率築長堤環繞經歲不滂穀物

山嶺金融活躍而風俗亦駸駸入侈泰矣自九都割爲南縣藕池決而倒貫疆域起一大變化昔日行政區劃爲區者十今併爲五昔日婚喪祭祀全爲舊式今亦參用新法此可以覘華容進化有一日千里之勢匪四十餘年以前之舊志所能削足遷就也因徇印者之請而發其大意著之於編以告來者

中華民國十九年五月華容縣縣長朱德龍撰

余主華邑教育局務之三年湖南省府以中央命令徵集各屬縣志備稽攷資改進意至盛也華邑縣志成書於清光緒壬午歲今閱五十年公私藏書處徧索之不得最後由友人胡君佐漢借出一編爲書共六冊首尾完好乃謀之縣長朱公集貲以活字版縮印百冊其圖表則以石印摹出之議既定將付諸手民爰志其緣起弁諸簡端中華民國十九年四月華容教育局長平江毛倜羣識

華容縣志
序

二

華容縣志

序

天下之事有不變者有屢變者名物典禮之大不變者也建置賦役一切屢變而仍不變者也惟地勢之變爲至變山鄉之地勢亘古不變者也水鄉之地勢百年千年未有不變者也故濱水之邑厥志用修爲尤亟焉明邱文莊公曰有千載不刊之書無百年不修之志謹哉言乎華容有志始於前明萬歷年間迄本朝嘉慶而止

毅皇帝登極巨憝削平天下大修郡邑志甚盛事也予以光緒壬午冬下車茲邑邑志適告成邑人以序請予自愧味道懵學且初至未有以應也越旬餘復相趣予披閱一過樂是志之成爲諸君子桑梓功而與吏治相關尤爲宰是邦者所急欲觀之書也不能無言竊謂華容凡三變其初本雲夢地三苗據以爲窟漢爲孱陵與五溪蠻近凡官於是邦與是邦之人物漢以前皆無考此一華容也自晉杜預開楊口起夏水洎明塞江北口於是沱江中貫重有水患隄工告急蓋苦於是役者數百年而未已此又一華容也洎咸豐三年藕池口決川水入境於是邑西北鄉又有水患然江水一石其泥數斗地勢日淤日高民藉以築垸圍田稍沾其利藕池既潰調絃一口水勢遂小搶險保固視前差逸此今之華容也故予首揭志中輿圖竊欲增一圖於舊圖之後增新圖以見咸同以後之華容使人知其變存舊

圖以見嘉道以前之華容使人知其迹轍改弦易治亦因之故此志之修華容一變局也然自調絃水勢既小則水力亦弱力弱則不能刷泥沙入湖泥沙日積河身日高十餘年來聞已淺至一丈有餘附郭田畝水不能出方今冬涸積水難消縣河紫港一口亦復日淤日高前後壅遏俯視城郭廬舍如在釜底若復數年其患愈深此守土者與斯民所同憂也故華容水利昔急於議防今當變而急於議疏疏易而防難若之何其坐以視之也抑予更有說焉凡地氣盛則日高地氣衰則日坍今華容之地變而高矣其必自此昌平山川靈秀之氣磅礴鬱積久而必洩將必有劉忠宣黎文僖其人者出而應之政蹟文章彪炳史冊豈僅區區爲閭里之光生色邑乘云乎哉邑人士其尙砥礪前修用應昌期慎毋以洲渚所淤苦爭官荒釀成巨禍慎毋以汗血所入苛派隄費吮彼餘膏自茲以往服疇食德丕變夙習星煥雲騫焜耀巴邱之區予實有厚望焉志業已鐫板功用告竣邑人士毫無間言亦可見諸君子處心平而秉筆公足以信今傳後無疑矣之舉百年必修之典即爲千載不刊之書厥功偉矣予不敏承乏是邑雖未與斯役弗盡悉諸君子釐訂之苦心附名簡末何幸如之爰撫華邑之局之一變者謹序於其端使後之君子有所考焉

光緒八年壬午季冬

賜進士出身知華容縣事永新龍起濤撰

序

周禮職方氏掌天下之圖小史掌邦國之志志也者所以紀累朝之沿革方域之廣狹人文之蔚起物產之豐饒與夫潛德幽光禎祥符瑞者也自孟堅改八書爲十志迄今二千年來無時無地不有紀載前代之卓然可傳者無論矣近時若阮文達謝蘊山章實齋所纂浙江兩廣湖北各省志戴東原鄭友芝所纂嘉興各府志洪稚存李中耆董晉卿所纂長安鳳臺涇縣各縣志洵足備一代之掌故而流傳不朽矣此外或傷於略或失於繁或近於率點染搖蕩徒供蠹剝殊可笑也華容自漢興建邑以來時代屢易其軼事之載在典籍者不少概見第地濱大湖又屢遭賊擾縱有家乘稗史而代遠年湮非化爲劫灰即汨於巨浪當此而欲撫拾舊聞搜求故事立身數千百載以後俾數千百載以前之忠臣烈士孝子貞婦以及平準河渠禮儀諸大端舉不至湮沒而失實也蓋非枵腹枯腸所能勝任者矣辛巳秋余捧檄來宰斯邑適邑中諸君續修縣志越明年壬午而書成錄稿請定祈爲之序余聞劉知幾曰不兼三長不足言史以余幼而嬉荒其於天人之究古今得失治亂之源茫然無所得於中及長而謬領鄉薦隸籍仕版案牘催科須臾無暇晷所謂才識學者實撫躬而自慙焉尙何敢與聞志乘而妄參末議然以守土之故義不容諉乃披稿而卒讀之覺其分門別類綱舉目張其立體也遠祖孟堅之遺義而不襲其舊其選辭也法顧亭林日知錄之詞貴於達無論煩簡而文意必求其清晰洵所謂其體嚴其詞醇其事賅可以信今而昭來許也夫謹序

光緒八年歲次壬午季秋

誥授奉直大夫戊午舉人署華容縣事成都汪文煥謹撰

舊序

孫斯傳 習儒

華容當洞庭湖之濱號稱澤國歷代以及我朝設立縣治屢遷而始定地瘠民貧賦役繁重百里之內素名有家者亦不過僅僅中人十室之產顧山水環抱地氣所鍾二百餘年以來人文獨萃視一郡有加然獨無縣志焉當嘉靖間先甫漁人曾修郡乘未之暇及迨後先兄雲夢山人雖脫草而未就然皆影響脫疎其於地方之沿革興廢土風民俗緩急利害公私事跡百不得一焉夫子不云乎文獻不足故也夫以予邑洵美人文而邑志闕述將誰委乎我邑侯八閩李公膺平蒞茲四載政通民和文啓績茂屬以歉歲逋催旁午俸入所給咸以代公家之貢室有懸魚案無停牘猶然不廢文翰留心經史一旦慨然謂志事獨闕守土之謂何於是博詢邑縉紳父老以迨青衿屬從子吉士鵬初成之鵬初雅承家學居里之暇杜門書史既汲汲修先人之闕事奉君父之重託迺殫心日夜凡數越月而成書以復諸公公雖帑無餘錢遂亟命付諸剞劂供課勤篤曾無幾時燦然一實錄矣而邑縉紳士咸承命序諸首簡斯傳與焉傳惟志者識也國有史郡邑有志家有乘其義一也顧有四難焉曰公曰信曰簡曰時靡公則是非淆而易生得失靡信則聞見眇而不無疑慮靡簡則蕪穢至而弗竟覽觀三者備矣倘乏興文者主持於上業文者承習於下即累牘何利焉猶之夫二百餘年以來文獻不足者耳茲志也

操之以崇儒之君侯則參駁校證無所事欺妄善始信終無所庸輟矣繕書緝梓無或罔後矣而況初
借君侯之美意盛舉以成先志而備一邑之所未備詎非時爲之哉抑傳嘗留心典故楚書稱善者無
若先輩童氏之沔州志即近日鄒孚如雲夢十書自撰體裁它如武功耀州後先膾炙如出一昭顧磨
擬勦竊往往有之遂爲編纂之濫觴矣今觀新志不襲言詮而亦不自外軌矧大都君侯之精忱藻鑒
若或導之是尤邑人之幸而鵬初暨先諸君子與斯傳之一遇也言出一家無藉雕績據事陳辭用傳
諸永敢僭爲之序

舊序

孫羽侯鵬初

史羽氏曰邑故有志矣蕪而短先野史嘗修之凡再受事未竟則取而成郡志損十之五又取而成湖
廣志損十之七羽嘗濫史官備諫省思欲成先志放遂十有六年邑令長率不常厥居考文之事闕歲
辛亥閏李侯膺平蒞邑且四載績用成歷旱潦督逋負懷柔其竄徙而鳴琴多暇好文武切乃以邑乘
屬裁羽雖不敏敢不執筆以備采風於是首輿封以記道里山川而民俗物產繫焉次建置以記城池
省署諸興替之故又次水防則邑之命脈次田賦則民之登耗非官師何以立政教非人物何以彰地
靈非選舉何以考仕版凡爲卷七而邑之事備矣其有未備者則齊諧稗史謠俗細微與夫事體繁雜
非志所得列者又爲志餘以綴其後

舊序

張存意

華容志成蓋邑侯李公議成之而孫鵬初給舍爲之成之也邑故不乏文獻良有司時有之備史才者時有之何以待諸今豈一時明宰不無逆旅視之即撫字爲勞幾不乖寡前訓則以當功令爲快已爾圖永賴者無有也今夫天下之輿封建置水防田賦官師人物選舉爲天下者不可不知郡邑之輿封建置水防田賦官師人物選舉爲郡邑者不可不知此公之所以圖爲志也且必成其爲華容志者也蓋公於邑勤亦已甚如歷輿封田賦則民情馴黠久而習之水防爲民司命一旬月不問則明年無田兼養人士則張其能而護愛其短租賦徵輸則多以其負者予民其不可已乃始爲縣官儲金錢然則是志也可無成乎志之成所以成公之政也雖然有良法而亂者有之無君子而治者未之曾聞則公之所以爲華容甯曰法足法也詩曰愷弟君子民之父母成愷悌也公秋水爲神冰壺玉映心行其愛而政舉其先四年之中民無謗讟獄不放紛彼其眞實心誠信於士大夫而衆庶戴之也夫召公之遺愛羊公之令名其孰不珍之則公之爲華容無窮之心矣

舊序

萬歷四十年知縣李雲階 序

夫志者志也古者天子省方令太師陳詩司市納價總而紀之爲史迨其後也代各有史皆朝家之事而五方殊俗靡所摭摭於是郡邑吏各自爲紀而名之曰志蓋識大識小以備考訂而善敗勸戒於焉取之華容雲夢奧區章華故址瑰璋珍怪乘不勝載故自有志亦故自有良志者不佞受事茲邑甫入疆見山川之莽蕩原隰之平衍心目遂爾頓開既而閱故牒詢耆舊見名公巨卿後先輩出而流風遺

俗猶有存者美哉茲土乎疇曰水卿實稱巖邑至索邑乘一寓目焉迺廢漣漫不可考唯先是雲夢山人爲今孫太史鵬初父有屬稿顧亦垂三十餘年所矣世代遞遷沿革時異不無待後人之潤色而更置之者時余方倥偬簿書抗塵走俗不遑請之太史然而寢食未嘗忘此業也比承乏四載惠微奏績庶幾無辜乃於聽政之暇屬太史以成先志太史欣然秉筆兩閱月而告成余受而卒業之則見其約而該詳而不穢若挈裘領而頓之而非然有條列百貨於五父之衢而恣其所取蓋爲卷省而一邑之奇蹤勝蹟衷辟純龐時事代謝爛然在目可考鏡也讀志輿封則畫塹分井封域廣輪爲六合之內所必論議讀志建置則池城津梁公署燹序代有興革孰委之情竄而不新讀志田賦則上田則壤生齒貢稅誰置之登耗而不一蒿目讀志水防則隄埝塘堰時築時潰穆然有其魚之思讀志人物則羔雁成羣項背相望而脈脈嚮往讀志選舉則登明選公搜奇拔異材不勝收而式閭秣馬不容或後讀志官師覩甘棠之蔭西河之範令人景仰而思步後塵讀志餘則兔角龜毛人祥物妖爲稗官野乘之所未載者種種以拓人之見聞是其爲志也無夸毗無網漏是當世得失之林而省俗考政者之所必資也乃付之剞劂而贅數語於其端以道己之志云爾若鋪張盛美則有左思元晏之相爲重在不佞何敢僭焉

舊序

蔡系周

華容故無志有之自邑侯李君膺平始侯政成化治嘉惠斯文屬孫給諫續其先人之緒闌二月而出